

1915 թ. ՎԱՆԻ ՀԵՐՈՍԱՄԱՐՏԸ ՕՏԱՐ ԱՂԲՅՈՒՐՆԵՐՈՒՄ

Դ. Օ. ՍԱՀԱԿՅԱՆ

1915 թ. Վանի հերոսամարտի վերաբերյալ ստեղծված է բավականաչափ գրականություն: Տպագրվել են հիշողություններ, հոգվածներ և աշխատություններ: Ներկա հոգվածում մենք բերում ենք օտար հեղինակների հաղորդումները, որոնք հաստատում և լրացնում են Վանի ինքնապաշտպանության մասին եղած հայկական աղբյուրները: Օտար հեղինակների հաղորդումները կարևոր են նաև այն պատճառով, որ չեն սահմանափակվում միայն Վկոտորածների ու մարտական գործողությունների նկարագրություններով, այլև գնահատում են դրանք, փորձելով այդ ամենը բացատրել, իհարկե, յուրովի: Ասել է, թե այդ աղբյուրները բերում են նոր կարծիքներ ու գնահատականներ, պարտադրում քննադատական մոտեցում ու հարուցում բանավեճեր:

Ականատեսներից մեկը՝ ամերիկացի միսիոներ Քլարենս Աշլերը, որը երկար տարիներ աշխատել է Արևմտյան Հայաստանում, նշում է, որ հայրապետի էր տանել մահամեղականների բռնությունները, բայց երբ ըմբոստանում էր և ինքնապաշտպանությունից դրդված սպանում էր նրանցից որևէ մեկին, ապա սպանվածի հարազատներու վրեժը լուծում էին հայերի բնակավայրի վրա հարձակվելով, կողոպտելով, այրելով և սպանելով անմեղ մարդկանց¹: Նա վկայում է, որ 1911 թ. Վանի կայազորը 8 գումարտակից հասավ 32-ի²: Դա կատարվեց հենց այն շրջանում, երբ Մալոնիկի տրևորահռչակ կոնգրեսում երիտթուրքերի կողմից որոշում էր ընդունվել հաշվեհարդար տեսնել կայսրության տարածքում բնակվող ոչ մահամեղական ժողովուրդների նկատմամբ:

1914 թ. բռնկված առաջին համաշխարհային պատերազմը լուր պատեհ առիթ հանդիսացավ երիտթուրքերի համար անարգել իրականացնելու իրենց հայաչինջ ծրագիրը: Առաջին հարվածը հասցվեց Վասպուրականի նահանգին և նրա կենտրոն Վան քաղաքին:

Դեռևս 1914 թ. օգոստոսին Վասպուրականի նահանգապետ էր նշանակվել Զեդեթ բեյը, որին Թուրքիայում ամերիկյան դեսպան Հենրի Մորգենթաուն անվանում է «Բաշկալիի պայտագործ»՝ իր զոհերին պայտելու համար³: Զեդեթը վերադառնալով ռազմաճակատից, ակտիվորեն ձեռնամուխ եղավ վերը նշված ծրագրի իրականացմանը: Նրա գալուստը, ինչպես վկայում է գերմանական բարեգործական միսիայի աշխատակից Սփյորին, ընդունվեց մեծ զգուշությամբ, որովհետև լավ բան չէր խոստանում⁴: Ինչևէ, հայերը ջերմ ընդունելություն ցույց տվեցին նահանգապետին, և դրանից «հուզված» Զեդեթը նույնիսկ գրկեց իր նախկին դասընկեր Վոսմյանին, վկայում է Ք. Աշլերը⁵: Բայց դա չխանգարեց, որ նահանգապետն իր

¹ C. D. Ussher, G. H. Knapp, An American physician in Turkey. A Narrative of Adventures in Peace and War, Boston and New York, 1917, p. 156.

² Նույն տեղում, էջ 203:

³ Henry Morgenthau, Ambassador Morgenthau's Story, New York, 1918, p. 307.

⁴ Հմմտ. Deutschland und Armenien (1914-1918), Sammlung diplomatischer Aktenstücke, Herausgegeben und eingeleitet von Dr. Johannes Lepsius, Potsdam 1919, S. 475, հմմտ. Генотид армян в Османской империи. Сборник документов и материалов, под ред. М. Г. Нерсисяна, Ереван, 1983, с. 545.

⁵ C. D. Ussher, G. H. Knapp, նշվ. աշխ., էջ 204:

գործունեությունը սկսի նահանգի հայ բնակչության տեղահանությանը և կոտորածով: Ինչպես հայտնի է, զորահավաքի հետևանքով գյուղերում քիչ թվով տղամարդիկ էին մնացել և թուրքական ու քրդական ավազակախմբերը գրեթե անարգել կարողացան իրականացնել իրենց ոճրագործությունը: Ճիշտ է, եղան վայրեր, ուր հայ բնակչությունը որոշ դիմադրություն ցույց տվեց ջարդարարներին, որոնք նման դեպքում առավել անգթաբար էին գործում: «Երեսաներին սպանում էին իրենց մայրերի գրկում, կանանց մերկացնում և ծեծում էին, փոքրիկ երեխաներին խեղանդամ էին անում: Գյուղերը հարձակմանը չէին նախապատրաստվել, շատերը չդիմադրեցին, մյուսները դիմադրում էին մինչև իրենց զինամթերքը սպառվում էր», — վկայում էր օտարերկրացի ականատեսը⁶:

Հայոց Ջորի գյուղերում տեղի ունեցան սարսափելի կոտորածներ: Ոճրագործները ձիերը վարգով քշում էին աքսորականների խմբերի վրա, սրմբակների տակ տրորելով նրանց⁷: Շատախում հայերը կատաղի դիմադրում էին ջարդարարներին: Գազազած Զեդեթը «մսագործների գումարտակի» հրամանատարին հրամայեց. «Գնա Շատախ և բնաջնջիր այնտեղի ժողովրդին»⁸: Հ. Մորգենթաուի վկայությամբ, միայն երեք օրվա ընթացքում Վանա լճի հյուսիսային շրջանում թուրքերը սպանեցին 24000 հայերի⁹, իսկ մինչև մայիս ավերվեցին նահանգի մոտ 100 գյուղեր, որոնց բնակիչները կոտորվեցին¹⁰:

Իշխանին և Վոսմյանին դավադրաբար սպանելով՝ Զեդեթը կարողացավ Վանը զրկել երկու ականավոր գործիչներից: Ապա նա վանեցիներից պահանջեց 3000 զինակոչիկներ, բայց հայերը մերժեցին: Սփյուռն մերժման պատճառը համարում է վերը նշված հայերի սպանությունը, որոնցից Վոսմյանը օսմանյան պառլամենտի դեպուտատ էր: Ստանալով նման պատասխան, նահանգապետը սպառնաց հարձակվել քաղաքի հայկական թաղամասերի վրա¹¹:

Ինչպես հայտնի է, այս ծանր և սպառնալից իրավիճակում, մի կողմ թողնելով կուսակցական տարաձայնությունները, վանեցիները որոշեցին դիմել ինքնապաշտպանության: Ապրիլի 5-ին կազմվում է «Վասպուրականի հայ ինքնապաշտպանության մարմին»: Փուլթ չէ, որ ուժերի հարաբերակցությունը հայերի օգտին չէր: Վանեցիներից զենք կարող էին կրել ամենաշատը 1500 հոգի, բայց կար ընդամենը 300 հրացան: Կովոդների շարքերը համարվեցին միայն հետագայում նահանգի տարբեր շրջաններից Վանի հայկական թաղամասերում ապաստան գտածների հաշվին: Սակավ էր նաև զինամթերքը, թեև հետագայում հայերին հաջողվեց կազմակերպել զինամթերքի արտադրությունը՝ օրական 2000 փամփուշտ և նույնիսկ պատրաստել երեք հրասանդ¹²:

⁶ The Treatment of Armenians in the Ottoman Empire, 1915—16. Documents presented to Viscount Grey of Fallodon by Viscount Bryce; with a pref. of Viscount Bryce, London, 1916, p. 36.

⁷ C. D. Ussher, G. H. Knapp, նշվ. աշխ., էջ 238.

⁸ Նույն տեղում, էջ 237.

⁹ Henry Morgenthau, նշվ. աշխ., էջ 297.

¹⁰ Arthur Beylerian, Les Grandes Puissances L' Empire Ottoman et les Armeniens dans les Archives Françaises (1914—1918), Paris, 1983, p. 25 (Armenian Review. Boston, p. 45), Winter 1984, vol. 37, № 4.

¹¹ Deutschland und Armenien . . . , S. 475.

¹² The Treatment of Armenians..., էջ 35, G. H. Knapp, The Tragedy of Bitlis: Being mainly the Narratives of Grisel M. McLaren and Mvrtel O. Shane, New York, 1919, p. 16; C. D. Ussher, G. H. Knapp, նշվ. աշխ., էջ 263; John Otis Barrows, In the Land of Ararat, New York, 1916, p. 128; Johannes Lepsius, Der Todesgang des Armenischen Volkes. Bericht über der Schicksal der Armenischen Volkes in der Türkei während des Weltkrieges, Potsdam, 1919, S. 87.

Աղբյուրները հակառակորդի գործերի տարբեր քանակություն են նշում՝ 5000¹³, 6000¹⁴ և 12000¹⁵ զինվոր։ Վերջին վկայությունը ավելի հավանական է թվում, քանի որ նրա հեղինակը՝ Ռաֆայել դե Նոգալեսը, լինելով գերմանական բանակի սպա, մասնակցել էր Վանի պաշարմանը։ Բացի այդ, հայկական թաղամասերի շուրջը տեղադրված էին մեկ տասնյակից ավելի թնդանոթ։

Ընդհարումից խուսափելու համար հայերը դիմեցին ամերիկյան միսիոներներ Յարոուին ու Աշլերին, խնդրելով հետ պահել Զեդեթին, տեղիք չտալ ընդհարման և գործն ավարտել խաղաղությամբ։ Վանեցիները հատկապես մեծ հույսեր էին կապում Ք. Աշլերի հետ, քանի որ նա երկար տարիներ եղել է Զեդեթի ծնողների անձնական բժիշկը և բարեկամական հարաբերությունների մեջ էր նրանց հետ։ Հանդիպման ժամանակ Զեդեթը հայերին ամբաստանեց խռովության մեջ և սպառնաց. «Եթե հայերը մի կրակոց արձակեն... Ես քաղաքը ամբողջովին կոչնչացնեմ, չթողնելով իմ ծնկից բարձր երեխա»¹⁶։ Նա միաժամանակ առաջարկեց միսիոներների «ապահովության» համար, նրանց շենքերում տեղավորել 50 զինվոր և մեկ թնդանոթ՝ հայերի «հարձակումից» պաշտպանվելու համար։ Սակայն միսիոներները մերժեցին¹⁷։

Ապրիլի 7-ին թուրք զինվորները հարձակման անցան... հայ կանանց վրա։ Ծրկու հայեր փորձեցին նրանց պաշտպանել։ Սակայն թուրքերը կրակ բացեցին և սպանեցին նրանց։ Այս ընդհարումը տեղի ունեցավ Սփյորիի աչքի առջև։ Նա վկայում է, որ ընդհարումը նախաձեռնողը թուրքերն էին¹⁸։

Զեդեթը հրամայում է սկսել հայկական թաղամասերի ուժակոծությունը։ Կրակոցները ազդանշան են ծառայում, որ թուրքերը հարձակվեն քաղաքի արվարձանում ապրող հայերի տների վրա։ Եվ երբ Ռ. դե Նոգալեսը թուրք պաշտոնյայից պահանջում է դադարեցնել կոտորածը, վերջինս պատասխանում է, որ ինքը կատարում է նահանգապետի հրամանը։ Կենդանի մնացած հայերն այս ու այն կողմ էին վազում, ճգնելով փրկվել կոտորածից։ Մի խումբ երիտասարդներ, թիկունքը դեմ անելով պատին, հուսահատորեն փորձում էին պաշտպանվել ջարդարարներից։ Սակայն, ի վերջո, բոլորն էլ զոհվում են ոճրագործների սրերից ու գնդակներից, որից հետո ամբողջ սկսում է թալանել հայերի տները և «Երբ հայ էին գտնում, յաթաղանի հարվածով կտրում էին... կոկորդը»¹⁹,—գրում է Նոգալեսը։

Վանի թաղամասերում՝ Ալգեստանում և Քաղաքամեջում ամրացած հայերը կառուցում են պաշտպանական ամրություններ, փորում խրամատներ և անցուղիներ։ Միայն Ալգեստանում կառուցվել էին 80 պաշտպանական դիրքեր²⁰։ Հայերն աշխատում էին խնայողաբար օգտագործել զինամթերքը, թշնամու բազմաթիվ կրակոցներին պատասխանում էին հատուկներ կրակոցներով և, ինչպես վկայում է Ք. Աշլերը, զարմանալի ճշտությամբ²¹։ Նա նաև նկարագրում է, թե ինչպես փոքրիկ երեխաները նույնպես մասնակցում էին հերոսամարտին, կատարելով սուրհանդակի դեր՝ շտաբի և դիրքերի միջև։ Նրանցից առավել խիզախները, վերցնելով նավթով ներծծված

¹³ H. Morgenthau, նշվ. աշխ., էջ 299։

¹⁴ Deutschland und Armenien, նշվ. աշխ., էջ 48։

¹⁵ Rafael de Nogales, Memoirs of Soldier of Fortune, New York, 1932, p. 271.

¹⁶ G. H. Knapp, նշվ. աշխ., էջ 16, The Treatment of Armenians, p. 34.

¹⁷ C. D. Ussher, G. H. Knapp, նշվ. աշխ., էջ 239—240։

¹⁸ Deutschland und Armenien..., S. 476; C. D. Ussher, G. H. Knapp, նշվ. աշխ., էջ 247։

¹⁹ Rafael de Nogales, Four years beanath the Crescent, New York, 1926, p. 64.

²⁰ The Treatment of Armenians..., էջ 35։

²¹ C. D. Ussher, G. H. Knapp, նշվ. աշխ., էջ 250։

լաթերը, մոտենում էին թուրքերի գրաված տներին, վառում լաթերը, ֆեսուկ կամ գլխարկով հովհարում, մինչև որ գուռը բռնկվում և ծուխը դուրս էր քշում դիրքավորված թուրքերին: Երբ մանչուկներից մեկը վերադառնալիս վիրավորվում է, նրան փրկում է մի արիասիրտ աղջիկ, որը թշնամու կրակի տակ նրան հասցնում է մինչև հայկական դիրքերը: Իր այդ քաջագործության համար աղջիկը պարգևատրվում է մեգալով²²:

Ք. Աշըրի վկայությամբ Վանի ինքնապաշտպանության զինվորական խորհուրդն արգելում է օգտագործել ոգելից խմիչքներ, հայհույլ թշնամու կրոներ, կրակել հակառակորդի կանանց ու երեխաների վրա: Տպագրվում է ռազմական տեղեկագիր, որը նկարագրում է օրվա կարևոր դեպքերը, հրապարակում է հրամանները, հայտարարությունները և այլն²³: Իր հիշողություններում Ք. Աշըրը հետաքրքրական տեղեկություններ է թողել պաշտպանների առօրյայի վերաբերյալ: Նա վկայում է, որ բոլորը զբաղված էին որևէ գործով, անգործ մարդ չկար: Կանայք ուտելիք էին պատրաստում, խնամում հիվանդներին և վիրավորներին: Տղամարդիկ կառուցում էին տարբեր տեսակի պաշտպանական ամրություններ, վերականգնում թշնամու ավերածները: Բոլորը իրենց գործը կամ հանձնարարությունը կատարում էին լավագույն ձևով: «Ուրախ, հույսերով լի ոգի էր տարածված: Մահացածի համար ոչ մի սուգ, ոչ մի սովորական արեւելյան լաց ու կոծ: ...Նըրանք բարձրացնում էին իրենց գլուխները և ասում. «Ավելի լավ է տասը օր ազատություն և հետո մեռնել, քան մեռնել որպես ստրուկ, ինչպես մենք էինք»,—վկայում է Ք. Աշըրը²⁴:

Թուրքական բանակի և հայ ինքնապաշտպանների միջև մղվող մարտերի մասին հետաքրքրական տեղեկություններ է թողել նաև Ռ. դե Նոգալեսը՝ թուրքական բանակի գերմանացի հրահանգիչը: Նա ևս նշում է հայերի դիպուկ նշանառությունը: Ռ. դե Նոգալեսը վկայում է, որ հայերի կրակը դիպուկ էր հատկապես այն ժամանակ, երբ նրանք օգտագործում էին մաուզեր սիստեմի ատրճանակներ: Նա դրանք անվանում է սարսափելի զենք հայերի ձեռքին և այդ ատրճանակների կրակի արդյունավետությունը համեմատում է դնգացրի հետ, որովհետև հայերը սովորություն ունեին միևնույն թիւրախին արձակել ոչ թե մեկ, այլ մի քանի զնդակ իրար հետևից: Ռ. դե Նոգալեսը նշում է հայերի պատրաստած հատուկ ջաղափների մասին, որոնցով նրանք կարողանում էին թշնամու համար անակնկալ կերպով անցքեր բանալ, դրանք օգտագործելով որպես հրակնատներ²⁵: Նա Վանի մարտերն անվանում է «բացառիկ կռիվ», «հրեղեն սպանդանոց»²⁶: «Ես չէի կարող շարսուալ, երբ ամեն անգամ ամրոցի վերևից նայում էի այրված գյուղերին (հայկական—Ռ. Ս.) և կռավող սև ագռավների երամներին, որոնք շների հետ վիճարկում էին հայերի ու թուրքերի անկենդան մարմինները, որոնցով ծածկված էին Վանի նեղ փողոցները և մերձակա դաշտերը»,—գրում է Ռ. դե Նոգալեսը²⁷: Նա վկայում է նաև, որ երկուստեք համառ ու անզիջում պայքար էր ընթանում և իրեն ամեն անգամ զարմացնում էր հայերի կատաղի դիմադրությունը: Որպես օրինակ, նա նկարագրում է, թե ինչպես մի գումարտակի գլուխ անցած կարողացավ գրավել մի քանի տներ, որտեղ տեղադրվեցին թնդանոթներ: Դրանք ուղիղ նշանառությամբ կրակելով, մինչև հիմքը քարուքանդ արեցին հայկական մի շարք ամրություններ: Սակայն դրանից հետո էլ հայերը շարունակում էին փլատակների վրա անզիջում մարտնչել: Եվ երբ Ռ. դե Նոգալեսն իր ուժերը տանում է հարձակ-

²² C. D. Ussher, G. H. Knapp, նշվ. աշխ., էջ 250:

²³ Նույն տեղում, էջ 251:

²⁴ Նույն տեղում, էջ 252—253:

²⁵ R. de Nogales, Four years beanath the Crescent..., p. 68.

²⁶ Նույն տեղում, էջ 70, նույնի՝ Memoirs of Soldier of Fortune, էջ 270.

²⁷ Նույնի՝ Memoirs of Soldier of Fortune, p. 270.

ման, հույս ունենալով հեշտությամբ գրավել այդ փլատակները, գրոհը ձախողվում է: Զինվորների մեծ մասը կամ սպանվում կամ վիրավորվում է²⁸: Նույն հեղինակի վկայությամբ ապրիլի 26-ին հատկապես կատաղի մարտեր են տեղի ունենում շուկայի շրջանում, ուր թուրքերը, մեծ կորուստներ տալով, հետ են շարտվում և հազիվ են փրկվում վերջնական ջախջախումից²⁹:

Ապրիլի 28-ին, երբ հայերին հաջողվեց պայթեցնել Ռեշիդիե զորանոցը, որտեղ թուրքական մի քանի գումարտակ իրենց հսկողության տակ էին պահում Ալգեստանի արվարձանների մեծ մասը, գազազած Զեդեթ բեյը հրամայեց Զերքեզ Ահմեդին հարձակվել մերձակա հայկական գյուղերի վրա, ուր մնացել էին միայն կանաչք և երեխաները: Ահմեդն այնպիսի վայրագություններ գործեց, որ ռուսները քրեքերը զարհուրեցին՝ այդ դիվային բարբարոսությունը տեսնելով³⁰:

Ըստ Ռ. դե Նոգալեսի, թուրքական ուժերը տեղաբաշխված էին հետևյալ կերպ. միջնաբերդում գտնվում էին երկու վաշտ, քրդերի մեկ գումարտակ և օսմանցի կամավորներ՝ թնդանոթներով: Արևելյան մասում տեղ էին գրավում երեք գումարտակ և հեծյալ ժանդարմները, իսկ հարավ-արևմտյան մասում՝ կովկասյան կամավորները (Զերքեզ Ահմեդի ավազակները): Արևելյան և հարավ-արևելյան մասում տեղակայված էին կանոնավոր ողջ բանակը և մի քանի թուրքական գումարտակներ: Մնացած ուժերն ասպատանել էին ժանդարմների զորանոցներում: Կային նաև 1200—1300 քրդեր՝ Սուլեյման բեյի գլխավորությամբ³¹:

Ռ. դե Նոգալեսի հուշերում կա Զեդեթ բեյի և նրա ամենամերձավոր գործակիցների բավականին հետաքրքիր նկարագիրը: Նկարագրված է նահանգապետի տանը տեղի ունեցած ընթրիքը: Նա նշում է, որ սեղանին դրված էր թանկարժեք արծաթե սպասքեղեն, որն իր նրբագեղությամբ աչքի կընկներ նույնիսկ նվիրալուծ: Նահանգապետը նստած էր իմ դիմաց, երեկոյան լավ զգեստով, սպիտակ փողկապով և ծաղիկը կոճականցքի մեջ... կապիտան Ռաշիդ բեյը իմ ձախ կողմում էր՝ անթերի համազգեստով: Վերջինս լազերի գումարտակի հրամանատարն էր և նահանգապետի աջ ձեռքը, նրա գաղտնի կարգադրություններ կատարողը: Նրան այնտեղ տեսնելով նրբին և բարեկիրթ, ես ինչպես կարող էի պատկերացնել, որ այդ նրբագեղորեն մանիկյուր արված և գոհարազարդ ձեռքերը կարող էին թրջված լինել մեծ քանակությամբ անմեղ զոհերի արյունով: Զենտլմեն կոչվող Ահմեդ բեյը... նստած էր իմ աջ կողմում, հագնված էր լավ տվիդից կարված հագուստ: Նա կատարելապես տիրապետում էր մի քանի լեզուների, անդամ էր Կոստանդնուպոլսի որոշ լավագույն ակումբների և շատ տարիներ էր անցկացրել Լոնդոնում: Իր արիստոկրատական շարժումներով և իր, ավելի ճիշտ, փայլուն արտահայտչականությամբ, նրան կարելի էր մի պճնամուլի տեղ դնել, որը Հայդ Պարկի ծառուղու երկարությամբ լծաքառյակ է քշում: Բայց և այնպես այս Ահմեդ բեյը, ոչ այլ ոք է, եթե ոչ տխրահույս Զերքեզ Ահմեդը, որը հետո սպանեց Զոհրապին, Վարդգեսին և Դադալարյանին (Տաղավարյան—Ռ. Ս.) և մեկ տարի անց Դամասկոսում մահապատժի ենթարկվեց Զեմալ փաշայի կողմից, որը երկյուղում էր, թե այդ սպանությունում կարող է բացահայտվել իր սեփական հանցանքը³²:

Թուրքիայում գերմանական դեսպան Վանգենհայմը 1915 թ. ապրիլի 24-ի իր զեկուլյցում հաղորդում է Վանում բռնկված «ապստամբության» մասին, նշելով, որ թուրքերի կորուստները կազմում են 20 սպանված: Վեր-

²⁸ Նույնի՝ Four years beneath the Crescent, p. 95:

²⁹ Նույն տեղում, էջ 84:

³⁰ Նույն տեղում, էջ 85—86:

³¹ Նույն տեղում, էջ 74:

³² Նույն տեղում, էջ 73—74:

շում դեպպանը հուլիս էր հայտնում, որ Պարսկաստանից վերադարձած Զեզեթ ընկեր ժամանակահատվածում կհաստատվի»³³։

Ք. Աշըրը վկայում է, որ կովի առաջին օրերին հայերը կոչ են հղում Վանի թուրքերին, հայտարարելով, որ իրենք մարտնչում են ոչ թե թուրք ժողովրդի, այլ Զեզեթի դեմ։ «Վալիները գալիս և գնում են, սակայն երկու ժողովուրդները պետք է շարունակեն ապրել միասին...», — ասված էր կոչում։ Վերջում հայերը հուլիս էին հայտնում, որ Զեզեթի հեռանալուց հետո կրկին բարեկամական և խաղաղ հարաբերություններ կհաստատվեն հայ և թուրք ժողովուրդների միջև³⁴։

Հայ ինքնապաշտպաններն աննկուն կերպով հետ էին մղում թշնամու գրոհները, երբեմն իրենք էին դիմում հակագրոհներին, մեծ կորուստներ պատճառելով նրան։ Թուրք զինվորներն ամերիկյան միսիոներներին բողոքում էին, թե. «Այսպես չեն կռվում։ Մենք ոչինչ չենք կարող անել այդ հայերի դեմ։ Նրանք կռվում են իրենց պատերի հետևից, մենք չենք կարող անում տեսնել նրանց և չգիտենք, թե ուր կրակենք։ ...Նրանք սպանում են մեզ»³⁵։ Որպեսզի ինչ-որ ձևով արդարացնեն իրենց անհաջողություններն օտարերկրացիների մոտ, թուրքերը հայերին մեղադրում էին թունավոր և պայթեցիկ գնդակներ օգտագործելու մեջ։ Եվ երբ ամերիկյան միսիոներները հերքում են անհիմն փաստարկները, ապացուցելով, որ նման տեսակի գնդակներ ունեն միայն թուրքերը, վերջիններս դադարում էին այդ մասին խոսել³⁶։

Ինչպես վկայում է Ք. Աշըրը, թուրքական բանակի բարոյական ոգին քավականին ցածր էր։ Դրա պատճառներից մեկը նա համարում է այն, որ Զեզեթը ողջ ավարը քրդերին էր խոստացել³⁷։ Ի վիճակի չլինելով միայն ռազմական ուժով կոտորելու հայերի դիմադրությունը, նահանգապետը որոշում է սովի մատնել նրանց։ Այդ նպատակով նա հրամայում է Վանի շրջակայքի գյուղերից հավաքել կենդանի մնացած կանանց և երեխաներին ու բշկերը դնել հայկական դիրքերը։ Վանեցիները սիրով ընդունում են իրենց դժբախտ հայրենակիցներին, հնարավորին չափով նրանց ապահովելով սնունդամթերքով։ Վանի հայկական թաղամասերում ապաստանած հայերի թիվը հասնում է 55000-ի³⁸։

Հայերին մեծ վնաս էր հասցնում թուրքական հրետանին։ Միայն մեկ օրում հրետանակոծության հետևանքով սպանվում կամ վիրավորվում են 40 կանայք և երեխաներ³⁹։ Ու. դե Նոգալեսի վկայությամբ, թուրքական հրետանին երբեմն նաև «օգնում» էր հայերին. «Ռումբերն անցնում էին տների կավե պատերի միջով, առանց քանդելու դրանք, և հայերը երախտապարտ էին մեզ, որ մենք անցք ենք բացել, որի միջով նրանք կկարողանան կրակել»⁴⁰։

Հակառակորդին անընդհատ լարված վիճակում պահելու և նրանց զինամթերքը սպառելու համար հայերը դիմում էին զանազան հնարքների։ Մի գիշեր նրանք փոքրիկ շան վզից կապում են վառվող մոմով լապտեր և հարայ-հրոցով ու կրակոցներով քշում դեպի թուրքական դիրքերը։ Թշնամին, լսելով աղմուկն ու կրակոցները և տեսնելով մթնոլորտի մեջ այս ու այն կողմ նետվող լույսը, կրակ է բացում, վատնելով մեծ քանակությամբ զինամթերք։

³³ Deutschland und Armenien, s. 51.

³⁴ The Treatment of Armenians, p. 35.

³⁵ G. H. Knapp, նշվ. աշխ., էջ 31.

³⁶ C. D. Ussher, G. H. Knapp, նշվ. աշխ., էջ 275, G. H. Knapp, նշվ. աշխ., էջ 33.

³⁷ J. O. Barrows, նշվ. աշխ., էջ 135.

³⁸ C. D. Ussher, G. H. Knapp, նշվ. աշխ., էջ 275.

³⁹ J. O. Barrows, նշվ. աշխ., էջ 135.

⁴⁰ G. H. Knapp, նշվ. աշխ., էջ 30—31.

Մեկ այլ գիշեր վանեցիները թուրքերից խլված ձիու պոչից կապում են՝ երկաթյա դատարկ տակառ ե գոռում-գոչումով ու կրակոցներով քշում դեպի թշնամու դիրքերը: Խելահեղ արշավող ձին մի այնպիսի ահավոր դղրդյուն ու աղմուկ է բարձրացնում, որ ասես հաղարավոր մարդիկ են վաղում: Թուրքերը փոթորկալից կրակ են բացում, կարծելով, թե հայերը կամ ոռուսներն են հարձակվում⁴¹:

Ք. Աշըրը նկարագրում է մեկ այլ դեպք, երբ 44 հայեր դիմադրում էին 500 բիթլիսցի քրդերի հարձակմանը: Վերջիններիս Ջեդեթը հրապուրել էր թալանով, իսկ սեփական շեյխերը հավատացրել էին, որ նրանք անխոցելի են՝ անհավատների գնդակներից: Եվ երբ նրանց հարձակման թափից ինքնապաշտպանները մի պահ ընկրկում և սկսում են նահանջել, քրդերին թվում է, որ հաղթանակն իրենցն է: Այդ ժանր պահին Արամ Բորոդանջյան անունով վիրավոր մի հայ մարտիկ ամբողջ հասակով կանգնելով սկսում է կրակել թշնամու վրա, գետին տապալելով նրանցից վեցին: Տեսնելով հայ մարտիկի արիությանը և համոզվելով, որ իրենք անխոցելի չեն, թշնամին սարսափահար սկսում է նահանջել: Վրա հասած հայերը կրակ են բացում, և քրդերի նահանջը վերածվում է փախուստի, որի ժամանակ նրանք տալիս են 33 սպանված⁴²:

Ինչպես վկայում է Ք. Աշըրը, ձախողվում է նաև թուրքերի մտադրությունը՝ ստորգետնյա ուզի անցկացնել ոստիկանական զորանոցից մինչև Արարք կոչվող թաղամասը: Պատահաբար այն հայտնաբերելով, հայերը ներխուժում են զորանոց և հրդեհում⁴³:

Ամեն անգամ, երբ թուրքական որևէ ձեռնարկում անհաջողության էր մատնվում կամ հայերն իրենց գործողություններով վնաս էին հասցնում հակառակորդին, Ջեդեթը հրամայում էր ավելի կատաղի ուժերով հայկական թաղամասերը: Դրանից անմասն չեն մնում նաև ամերիկյան միսիոներների շենքերը, շնայած այն հանգամանքին, որ միսիոներները չեզոք պետության քաղաքացիներ էին: Հարկավ, մի ողջ ժողովուրդ ոչնչացնող վանդալների համար այդ չեզոքությունը գորշի արծեք չունեի: Ռ. դե Նոգալեսի վկայությամբ, միսիոն ուժերակոծության ենթարկվեց Ջեդեթի հրամանով⁴⁴: Հավանաբար նահանգապետն այդ քայլին դիմում է իր համար վտանգավոր վկաներից ազատվելու նպատակով, քանի որ ոռուսական բանակը և հայ կամավորական ղեկավար սրբնթաց մոտենում էին Վանին: Շուտով սկսվում է թուրքական զորքերի նահանջը: Մի ամբողջ ամիս՝ ապրիլի 7-ից մինչև մայիսի 6-ը տևած Վանի հերոսամարտն ավարտվում է:

Հստ էրզրումում՝ գերմանական հյուպատոս Շոյբներ-Ռիխտերի, թուրքական կորուստները կազմում էին 1000 սպանված, իսկ հայերինը՝ 300⁴⁵: Թուրքական կողմի կորուստներում հավանաբար հաշվի չի առնված մահմեդական խաժամուժը, որը, ինչպես հայտնի է, օգտագործվում էր որպես «թնդանոթի միս»:

Թալեաթ փաշան իր հուշերում վասպուրականի հայ բնակչությանը մեղադրում է կանխամտածված ապստամբության մեջ և նշում, որ Վանում նախահարձակ են եղել հայերը, որոնք ոչնչացրել են վարչական մի շարք շենքեր, կոտորել քաղաքի մահմեդական բնակչությանը: Որպեսզի ինչ-որ ձևով արդարացնի մինչև ատամները գինված թուրքական բանակի անհաջողությունները, Թալեաթը Վանի հայ մարտնչողների թիվը հասցնում է 5000-ի⁴⁶, ժամանակակից թուրք պատմաբանները ևս ճգնում են ապացուցել,

⁴¹ C. D. Ussher, G. H. Knapp, նշվ. աշխ., էջ 255—256:

⁴² Նույն տեղում, էջ 257:

⁴³ Նույն տեղում:

⁴⁴ R. de Nogales, *Memoirs of Soldier of Fortune...*, s. 270; Dikran H. Boyajian, *The case for a forgotten Genocide*, New Jersey, 1972, p. 425.

⁴⁵ Deutschland und Armenien, s. 65.

⁴⁶ Թալեաթ փաշայի հուշերը, Երևան, 1963, էջ 71 (ձեռագրի իրավունքով):

որ հայերը հարձակվել են, իսկ թուրքերը պաշտպանվել: Վկայակոչվում է Ջևդեթի զեկուլցներից մեկը, ուր մասնավորապես հաղորդվում էր, որ ապրիլի 21-ին հայերի կողմից հարձակում է ձեռնարկվել ամրոցը գրավելու համար և որ իրենից մեծ ջանքեր են պահանջվել «հետ մղելու այդ անիծյալ մարդկանց (հայերին—Ռ. Ս.)», որոնք ողջ գիշեր գրոհել են թուրքական դիրքերը⁴⁷:

Ըստ թուրք պատմաբան Կամուրան Գյուրունի, Վանում նախապատրաստվող «ապստամբության» մասին Ջևդեթին հայտնի է դարձել դեռևս 1914 թ. նոյեմբերի 29-ին⁴⁸: Խեղաթյուրելով իրողությունը, հեղինակը պնդում է, որ Վասպուրականի նահանգն ամբողջովին հեղեղված էր «հայկական լիակատարությամբ»: Սակայն որպես ապացույց նա նորից ներկայացնում է Ջևդեթի մարտի 20-ի հեռագիրն այն մասին, թե «նահանգի բոլոր մասերում ղեկավար թախումները շարունակվում են... ենթադրվում է, որ ապստամբների թիվը 2000-ից ավելի է»: Ապրիլի 25-ի թվակիր մեկ այլ հեռագրում նահանգապետը հաղորդում է, որ «ապստամբները սկսել են կրակ բանալ Վանի հայկական թաղամասի մոտ գտնվող մեր ոստիկանատան և մահմեդականների տների վրա: Մենք դիմադրում և պաշտպանվում ենք»: Այլ իհսան փաշան ևս նույն ոգով ամբաստանում է վանեցիներին, թե նրանք իրենց «ապստամբությամբ» նպաստել են Դիվանի մոտ ռուսական բանակի հաղթանակին: Իսկ էնվերը Թալեաթից պահանջում է ոչնչացնել Վանը: Նա ռուսներին մեղադրում է մահմեդական բնակչությանն աքսորելու համար, առաջարկելով նույն կերպ վարվել հայերի հետ⁴⁹:

Անդրադառնալով հայերի կոտորածներին, թրքասեր Ռ. դե Նոգալեսը ևս գրանցում մեղադրում է «հնչակյան և ռամկավար էքստրեմիստ կուսակցություններին»⁵⁰: Նա կովող հայերի թիվը հասցնում է 30000-ի⁵¹, հերքում է թուրքական կանոնավոր բանակի մասնակցությունը կոտորածներին⁵²: Սակայն փաստերի ճնշման տակ, այդ արկածախնդիրը ստիպված է ընդունել, որ կոտորածի ազդանշանը Թալեաթի հեռագիրն էր. «Այրել, ավերել, սպանել»⁵³: Ըստ նրա, պաշարման ընթացքում հայկական թաղամասերի վրա արձակվել է 16000-ից ավելի արկ⁵⁴: Այն ողջ արհավիրքից հետո, որ պատահեց հայ ժողովրդի հետ, Ռ. դե Նոգալեսը կեղծ ափսոսանքով գրում է. «Եթե հայերն ավելի ջրհաճյաց լինեին, հավանաբար այսօր նրանք կղեկավարեին թուրքիան»⁵⁵:

Գերմանական դիվանագիտական աղբյուրների հաղորդագրությունները ևս չէին կարող ամբողջապես ստույգ լինել, քանի որ սկզբնական շրջանում բացառապես հիմնված էին դաշնակից թուրքական իշխանությունների տրվելայինների վրա⁵⁶: Այսպես, ապրիլի 30-ի զեկուլցագրում՝ ուղղված ռայխսկանցլերին, գերմանական դեսպան Վանգենհայմը հաղորդում է, որ թուրքերի կողմից ոչ մի կոտորած չի եղել, և որ Վանի հայերի ու ռուսական հրամանատարության միջև գոյություն ունի կապ⁵⁷, և ընդհարումը Ոստանից և Շատախից անցել է Վան՝ վերածվելով ապստամբության⁵⁸:

⁴⁷ Documents on Ottoman-Armenians, vol. 2, Ankara, 1975, p. 26.

⁴⁸ Kamuran Gürun, The Armenian file. The Myth of innocence exposed, London, 1985, p. 96.

⁴⁹ Նույն տեղում, էջ 198:

⁵⁰ R. de Nogaies, Four years beanath the Crescent..., p. 27.

⁵¹ Նույնի՝ Memoirs of Soldier of Fortune, p. 271.

⁵² Նույնի՝ Four years beanath the Crescent..., s. 22.

⁵³ Նույն տեղում, էջ 147:

⁵⁴ Նույնի՝ Memoirs of Soldier of Fortune, p. 147.

⁵⁵ Նույնի՝ Four years beanath the Crescent..., p. 27.

⁵⁶ Deutschland und Armenien, s. XV.

⁵⁷ Նույն տեղում, էջ 58:

⁵⁸ Նույն տեղում, էջ 51:

Ք. Աշըրն իր հուշերում մերկացնում է Ջեդեթի այն կեղծ հայտարարությունը, թե իբր հայերը կոտորել են 55000 մահմեդական: «Հիսունհինգ հազար հայերի կոտորածը հաղորդում է (Ջեդեթը—Ռ. Ս.) որպես հիսունհինգ հազար մահմեդականների կոտորած հայերի կողմից»⁵⁹: Ք. Աշըրի կինը՝ էլիզաբեթը, իր նամակներից մեկում պարզորոշ գրում է. «Չնայած, որ վալին այդ (ինքնապաշտպանություն—Ռ. Ս.) անվանում է ապստամբություն, այն իրապես փորձ էր հայերի կյանքը և տները պաշտպանելու համար»⁶⁰: Ամհերիկյան երկու միսիոներուհիներ վկայում են, որ Ջեդեթն ինքը հրահրեց հայերին, որպեսզի հնարավորություն ունենա նրանց մեղադրելու ապստամբության մեջ⁶¹: Վերը նշվածը հաստատում է նաև ամերիկյան դեսպան Հ. Մորգենթաուն⁶², որը երիտթուրքական ղեկավարության հետ իր հանդիպումների ժամանակ փորձում էր ապացուցել թուրքական իշխանությունների գործողությունների անօրինականությունը: Ամեն անգամ, հարդարացումն իրենց կատարած ոճիրների, Թալեաթը, էնվերը և մյուսները բերում են Վալի «հեղափոխականների դավաճանության» օրինակը: Դեսպանը գրում է, որ «հայերը պարզապես որոշել էին փրկել իրենց կանանց պատիվը և իրենց սեփական կյանքը, այն բանից հետո, երբ թուրքերը կոտորեցին նրանց հազարավոր հարևաններին, նախանշելով այն ճակատագիրը, որը սպասում էր նրանց»⁶³: Թալեաթի հետ մի զրույցի ժամանակ Հ. Մորգենթաուն ընդգծում է, որ ոչ մի կերպ չի կարելի արդարացնել թուրքական իշխանությունների հակամարդկային վերաբերմունքը հայ կանանց և երեխաների նկատմամբ, եթե նույնիսկ մի խումբ հայեր դավաճանել են: «Այդ բաներն անխուսափելի են»⁶⁴,—պատասխանել է Թալեաթը դեսպանին:

Անգլիացի նշանավոր պետական գործիչ, իրավաբան և պատմաբան Ջեյմս Բրայսը, անդրադառնալով Վալի հերոսամարտին, գրում է. «Հայերը վանում չեն ապստամբել: Հայերը պարզապես պաշտպանվել են քաղաքի թաղամասում, ապա պաշարվել և հարձակման ենթարկվել թուրքական զորքերի կողմից»⁶⁵:

Ինչ վերաբերում է հայերի կողմից մահմեդականների «կոտորածին», ապա դա ևս ստոր կեղծիք է: Երբ ուսական բանակը գրավեց Վանը, ամհերիկյան միսիոներները հեռացրեցին իրենց մոտ ապաստանած 6000 հայ փախստականներին, օթևան տալով մոտ հազար թուրք կանանց և երեխաների, որոնք չէին հասցրել հեռանալ կամ լքվել էին թուրքական բանակի կողմից⁶⁶: Հատկանշական է, որ հայ կամավորները միսիոներների մոտ են բերում մի վիրավոր թուրքի, որը բարձրաձայն պարծենում էր, թե ինքը 20 հայ է սպանել⁶⁷:

Հ. Մորգենթաուն գրում է, որ փոխանակ կռվելու ուսական բանակի դեմ, թուրքերն իրենց զենքը շրջեցին հայ կանանց, երեխաների և ծերերի վրա⁶⁸: Թալեաթը դեսպանի հետ զրույցելիս հայերի մասին ասում է. «Երբ մենք հրամայեցինք զինաթափվել, այդ մարդիկ հրաժարվեցին: Նրանք դիմադրեցին մեզ Վանում և Զեյթունում, նրանք օգնեցին ուսներին: Կա մի ուղի միայն, որով կարող ենք ապագայում պաշտպանել մեզ ընդդեմ նը-

⁵⁹ C. D. Ussher, G. H. Knapp, նշվ. աշխ., էջ 329.

⁶⁰ J. O. Barrows, նշվ. աշխ., էջ 128.

⁶¹ G. H. Knapp, նշվ. աշխ., էջ 15—16.

⁶² H. Morgenthau, նշվ. աշխ., էջ 327.

⁶³ Նույն տեղում, էջ 300.

⁶⁴ Նույն տեղում, էջ 335—336.

⁶⁵ The Treatment of Armenians, p. 627.

⁶⁶ The Treatment of Armenians, p. 41. J. Lepsius, նշվ. աշխ., էջ 97, Deutschland und Armenien, p. 483.

⁶⁷ Deutschland und Armenien..., s. 483.

⁶⁸ H. Morgenthau, նշվ. աշխ., p. 297.

րանց... պարզապես արսորել»⁶⁹: Ամերիկյան դեսպանի կարծիքով, Զեդեթը հայ զորակոչիկներ էր պահանջում ոչ թե բանակի կարիքներից ելնելով, այլ նրանց կոտորելու նպատակով⁷⁰:

Այսպիսով, հանձին օտար աղբյուրների մեծամասնության, մենք ունենք Վանի հերոսամարտը լուսաբանող պատմական հավաստի վավերագրեր, որոնք հնարավորություն են տալիս հերքել այն անհեթեթությունները, որոնք առաջ են քաշվել և քաշվում անցյալի և ժամանակակից թուրքական պատմագիտության մեջ: Վերը բերված անհերքելի վկայություններն ամբողջապես հաստատում են հայկական աղբյուրների այն միաբերան պնդումները, թե Վանի և Վասպուրականի բնակչությունը ենթարկվել է կանխամտածված հայաժանրի, խոշտանգումի, կոտորածի, արսորի, որոնց տրամաբանական պատասխանը պետք է լինի ինքնապաշտպանության դիմելը:

ГЕРОИЧЕСКОЕ СОПРОТИВЛЕНИЕ ВАНА 1915 Г. В ИНОСТРАННЫХ ИСТОЧНИКАХ

Р. О. СААКЯН

Р е з ю м е

Авторы приводимых в статье сообщений (немцы, американцы и др.) были очевидцами жестоких оборонительных боев, которые вели жители города Вана. Все они единогласно утверждают, что турецкие регулярные войска атаковали с намерением уничтожить армянское население города, а армяне только оборонялись. Жители Вана с 7 апреля по 6 мая 1915 г. оказывали вооруженное сопротивление войскам. Благодаря своевременной помощи русской армии и армянских добровольческих отрядов они спаслись от неминуемой смерти. Беспочвенны утверждения турецких историков с том, что в Ване имело место «восстание», которое способствовало продвижению русской армии.

THE 1915 HEROIC RESISTANCE OF VAN AS HIGHLIGHTED BY FOREIGN SOURCES

SAHAKIAN R. O.

S u m m a r y

The authors of the information presented in the article (Germans, Americans and others) have been eyewitnesses of the fierce defence battles fought by the inhabitants of Van. All of them insist that a regular Turkish army attacked the Armenian inhabitants of the town intending to annihilate them while the Armenians only defended themselves. Thanks to the timely help provided by the Russian army and Armenian volunteer detachments, they were saved from sure death. Baseless is the insistence by Turkish historians that a „revolt“ took place in Van and it favoured the advance of the Russian army.

⁶⁹ Նույն տեղում, էջ 335:

⁷⁰ Նույն տեղում, էջ 298: